

北帝說豁落七元經

是時 元真登紫金堂鳳樓閣 說三元品目 拔度群生 令知報應 是時 三清凝炁 日月朗朗 三光振肅 靈禽鼓吹 天真並會 時有北方九天大真人 乘星步斗 單錦雲衣 一時詣座 願為眾生說延生保命之法 演乎中國 祛魔滅精 消災度難 拔濟困篤 普得安靜 願帝普宣 告及天下邪魔 令知罪源 盡生善念 不害於眾生 日有所益

天尊告曰 三界之上北帝大魔王 下治在北海天地北方羅酆絕頂之山 山高二千六百里 周旋三萬里 內外皆七寶堂室 生七寶宮 亦盛都也 皆主知萬民生死之籍 天下鬼神莫不由也

北帝言 我之極位 統三十二天之總司 綰諸天之簿籍 天帝皆來稽首 天下萬神皆來朝謁 萬鬼千神悉皆震伏 令以此六天宮名號相示 為六天大魔王宮主 知萬鬼之師 執生人魂魄 閉繫重檻 為陰神所繫 名係鬼官 延累生人 子孫作諸考訟 病衰連年 禍厄侵害 若知吾六宮名者 可以晨夕誦之 惡鬼不敢近 妖邪伏滅 禍害不能侵 魂精澄正 神炁常安 萬靈震怖矣

北帝說豁落七元經

清微藏書閣

北帝告七真曰 我師昔學道修齋 立功救人 隨機濟物 功德圓備 勤苦香燈 彌劫歷年 行乎道化 拯拔群生 令知報應 得離魔域 俱入正真之道 修佩靈文 祈醮真官 迴籌益筭 解厄延年 除災卻障 消諸不祥 然燈行道 誦念真文神咒 或一七 二七日 申奏章表 醫治之師 專心絕念 存思在法 我當遣八部禁兵 與五方天帝兵馬 二十八宿兵馬 五湖七澤兵馬 億億萬騎 排三甲之仗 乘三殺之炁 下降道場 隨所擁護 掃除妖魅 斷截邪精 救濟生人 得出鬼患 師獲沖天之機 慎勿輕犯 考致七世名係鬼官 為輕法之罪 慢師不朝 得致靈官 各還本職為慢師之罪 不遵道科之愆矣

七真曰 欲修此法 當於家建立一精舍 方圓一丈 開四門 當寫本帝真形圖於靜室之中 立燈九燈 盞亦七盞 常燃令光明 日即息之 夜燭室中 立一香 沙壇二 大四寸 中立香爐一口 靜水五碗 劍一口 勿令穢觸 淨室之前 建七元壇 廣一丈二尺 高三尺 三層 醮祭常令七天大魔王衛護 非同志 勿窺靈壇矣 七真曰 天地疑精之炁 化之七炁 列位七宿 九炁為九曜

五炁作五星 三炁成三元 八炁立八靈 降真之炁 布列真王之炁
以備於星辰 群生之類 莫不由也 皆主知生死之籍 後學道士
專精一法 救拔凡迷 得出魔俗 咸發善心 可列符籙 隨病所
治 事有大小 攝伏魔精 保安魂爽 帶佩絹素 出入常隨身 萬
靈傳迎 所在捧送 列七元之王炁 乘九元之精素 佩者行來 天
下大師 入其病家 萬鬼自怖 邪精消亡 潛蹤匿跡 威震無邊
福濟生靈 超拔玄祖先魂也
七真曰 若有人能於來世中 值遇此法 可移動星斗 乘三五
之炁 可以挑星撥斗 飛步七元 登綱駕紀 攝伏惡魔 助國扶難
覆護生民 可為消災散禍 滅諸怪惡 依法行用 勿犯冥科 當
以法信 履民之物 一一散施貧窮 憐愍困厄 方便救拔 當依玄
科 冥助道力 陰兵共治 無不差矣
七真曰 夫末學道士 欲為人治病 制伏妖魅 行我妙法者
科令嚴峻 難可奉焉 但依七元列位 然燈行道 拜奏朱表 上達
天真 當先詣天地水三官 為主生死要司之籍 又請三宮九府百二
十曹知籍君 解形卻禍 先為解先亡拷對 又解病人冤對 後乃治

北帝說豁落七元經

清微藏書閣

之 先然燈七盞 用左麻朱繩連星綱 用酒七盞 白脯七片 香五
爐 淨水五碗 又外一座五土真官於偏處 當令侍衛 勿為邪穢所
觸 又燈中施符一道 依次朱書致油中 降天真矣
七真曰 大道慈愍 恩惠生民 故設延生之法 開度未遇淺學
者 令知罪福 若國府有難 兵戈鬥亂 天下不安 但於國福德之
方 宮苑之內 鎮立北斗七元壇場 燃燈行道 申奏章表 鎮壓其
國 轉經念咒 存思吐納 三時行道 轉念真詮 當請鎮國天龍
五帝兵馬 三洞天官 千乘萬騎 羅列國界 殄滅強兵 自然歸伏
八方寧靜 國受太平 君臣用道 隆德相扶 當建北帝神咒大齋
三日兩宵 五時行道 拜奏章表 上謝天威 下益五土 將以和
天靖地 保國寧家 安鎮社稷 一切真靈皆獲道福也
七真曰 下元生民 若有疾病 彌月於林 遍身痛苦 魂被水
官所考 地官奏罪於天官 病加困篤 莫能救療 但請三洞真師
來降宅內 建立道場 七日七夜 一日三時 行道轉念神咒 驅除
災疫 我當遣飛天猛獸威神 擁護生民 三官除罪 逕上玄都 黑
簿除籍 書生名於左宮 得恩之後 醺謝三官

七真曰 下元生民 為強精鬼魅所惱 病患連年不差者 當請
三洞道師建立靜室 燃燈七盞 七日當下五星神符鎮五方 朱書桃
板 廣三寸 長一尺七寸 青竹一丈七尺 纂之即燃燈行道 誦咒
行諸符籙 鎮壓佩帶 當請五嶽真神 四瀆靈將 長加守護 鬼魅
永除 生民得差 得恩之後 醺謝五嶽四瀆靈官
七真曰 下元生民 新建精舍 土氣侵害 官災拘繫 禍害併
生 可請三洞真師 來入宅中 掃蕩一室 北斗七元之位 然燈行
道 拜上解六害 章表朱書黃絹 奏五帝并謝五星 當得司命除籍
地官恕愆 疾病消除 官私殄滅 得恩之後 醺謝五帝之神 十
二月將 七宿真官 當書七寶神符 以梓木板 長二尺四寸 懸宅
四維 以斗口圍宅 隨建所施 科令嚴峻 為封宅之法 冥禁不輕
未學道士慎勿犯此玄科 禍沒九祖 長役鬼官之中矣
七真曰 吾居七元官位之北極 皆有華蓋相隨 帝居於中 其
星皆生七寶 光燁燦爛 號為太微北極帝君 常月初三 二十七日
降下人間 受人之醺祭 察人之善惡 修學功過 年命長短 此
夜可於中庭 立机筵置 列錢馬九分 精膳妙供 酒脯并香獻上

北帝說豁落七元經

清微藏書閣

求乞度脫災厄 延命益筭 可求法術 救濟萬民 求願治邪 考鬼
滅精之法 當此夜欲臥時 先存華蓋九星在頭 左北斗 右北斗
上北斗 下北斗 三台覆其中 於臥室東面 存二十八宿真官 如
嬰兒之狀 著錦裙 紫紗帔 執青簡 口吐王炁 入我口中 皆為
真氣 匝滿身中 得此之道後 乃為降靈之師 可為世之明師 萬
鬼自怖 行來出入伏御 山靈惡獸 山精野魅 悉皆殄滅 真經寶
祕 四萬劫方傳一人 若有真人傳法 可用白素四十尺 金錢質信
米麵香油 祭醺之具 可傳一人 如不得至人 可書一本 投名
山大澤之中 題云函諱 可得延齡 地官所舉 名上金簡 刻字留
音 萬神侍衛 立見真道矣
七真曰 夫欲修學此道 精勤苦節 至在一法 不恡世財 陰
施道德 依科醺祭求 萬事皆應 非但鬼神之患 慎勿輕泄行屍之
人 禍沒九玄 冥禁不輕 符非不周細矣
七真曰 夫欲治病救人 考鬼之法 先存本師 次存三元大將
軍 領兵九億萬騎 三師兵眾 有八萬人 次存北方大帝 領兵五
億萬眾 皆黑衣 降入道場訖 次存七元真官 皆戴七寶之冠 著

錦華之衣 執七寶神符 來降道場 即上燈著符於燈盞中 又書符
兩道 籤安道門兩邊 明日召靈降真 皆是驅馳星斗周旋 勿外此
符 元精真炁 結之自然 皆致太玄北門鳳閣之上 名曰陰生廣靈之
符 七元降真 名長生符 神出乎玄宮北海崖極玄天洞陰朔單之國
五龍之臺 南軒不傳 下仙得之者 皆為五嶽真人 剋遊三界
白日登晨


第一元精真人素語紫童小有天王 為之玉訣靈音 三千年一遇



北帝說豁落七元經

清微藏書閣

此七道符書了 啟請七真降位後 便下符閉炁 從一至七 不
得雜類穢觸人見之矣



此符作道場 書置盆中 召靈降神 辟除萬穢

北帝說豁落七元經竟

天運辛卯年亥月正一天師清微弟子洪鼎堅羅大英恭錄彙編